

Transkript sa konferencije za medije međunarodnih organizacija

OHR, Oleg Milišić
EUFOR, Karen Halsey

OHR

Imam za vas danas nekoliko komentara, ali mi dozvolite da odmah pojasnim neke informacije objavljene u medijima.

Sinoć je objavljena informacija da će visoki predstavnik sutra boraviti u Foči. Visoki predstavnik neće posjetiti Foču nego je pozdravio ukidanje «Launterbergovih» sankcija koje su bile na snazi u ovoj općini.

Visoki predstavnik pozdravlja ukidanje «Lautenbergovih» sankcija u Foči

Visoki predstavnik je rekao: «Ovo ukazuje na promjenu u ovoj općini i potvrđuje da striktna primjena uslovljavanja može imati pozitivne efekte. Ukidanje sankcija pokazuje da ostvarivanje napretka može biti korisno za općinu, što je važan signal drugim općinama u Republici Srpskoj na koje se još uvijek primjenjuju «Lautenbergove» sankcije, kao i Republici Srpskoj u cjelini u pogledu njene konkretne odgovornosti za ostvarivanje bolje saradnje s Haškim tribunalom».

Parlament osigurao poboljšanje zakonske zaštite i zaštite ljudskih prava

OHR pozdravlja usvajanje dva Zakona koja su jučer konačno prošla kroz parlamentarnu proceduru, a ovim Zakonima se jača

vladavina prava i zaštita ljudskih prava, potvrđuje opredjeljenost BiH da ispuni svoje međunarodne obaveze, a Bosna i Hercegovina ostvaruje napredak na putu ka evropskim integracijama.

Zastupnički dom Parlamenta Federacije BiH usvojio je Zakon o prekršajima Federacije Bosne i Hercegovine.

Ovim Zakonom će se modernizirati način na koji Bosnia i Hercegovina riješava prekršaje i on predstavlja ključni element za konsolidaciju oblasti vladavine prava u BiH. Sudovi će sada prekršaje riješati na brži i efikasniji način.

Postojeća 71 suda za prekršaje će postati sastavni dio općinskih i osnovnih sudova u obliku Odjela za prekršaje. To znači da uštede ostvarene ovim putem mogu biti iskorištene za poboljšanje sudskog sistema u cjelini.

Usvajanje ovih Zakona sada omogućava Visokom sudskom i tužilačkom vijeću da započne proces reimenovanja sudija za prekršaje.

Vijeće Evrope je istaklo da ovaj Zakon ispunjava uslove iz Evropske konvencije o zaštiti ljudskih prava i u skladu je sa sudskom praksom Evropskog suda za ljudska prava.

(Dom naroda Parlamenta Federacije BiH je 7. marta 2006. godine usvojio isti Zakon).

Drugo, Dom naroda Parlamenta BiH je jučer usvojio Zakon o izmjenama i dopunama Zakona o Ombudsmanu za ljudska prava BiH.

Zakonom se predviđa objedinjavanje entitetskih Ureda ombudsmana na državnom nivou.

Ova institucija je ključni mehanizam zaštite prava građana.

Ovaj Zakon je dio postprijemnih kriterija definisanih nakon prijema Bosne i Hercegovine u Vijeće Evrope i u tom smislu predstavlja jedan od uslova za potpisivanje Sporazuma o

stabilizaciji i pridruživanju, koji je sada ispunjen.

EUFOR

Nije bilo izjave.